

* P * V * I * S *


* 1 * 6 * 2 * 4 *

- I. Paraphrasis Psalmi LXXXII M. Barbara Wennegeri
 II. Psalmi Davidici etc. gr. etc. etc. Gregorij Bersmanni.
 III. Venie de Christo recens nato Joacimi Flemingi.
 IV. Lessius Casareus Cyriaci Herdesiani sup obitum Rudolphi Imperatoris
 V. Soteria Dr. Joanni Georgio Sayenun Duci Academiae Wittebergensis.
 VI. Votivus apparatus Dr. Hg. Principi Anhaltino administrationem principatus Cisalpinus
 suscipienti Federici Theodori Gorlicio.
 VII. Teoq. Gervasio Equite ad Dr. Augustum Principem Anhaltinum Homagii causa Ser-
 vestan impressum M. Petri a Hera.
 X. Epithalamium Marci Federici Wendelii
 ad Dr. Augustum Ducem Bruno vicecom.
 XI. Epithalamium ad eundem principem Jani
 Cremeri.
 Elogia Gregorij Bersmanni Rudolphi Princi-
 pi Anhaltino sponte scripta.
 XII. Teoq. Gervasio Dr. Rudolphi Princ. Anhal-
 tino scripta à Collegis Scholae Servestane.
 XIII. Epicedium in obitum Dr. Rudolphi Princ. An-
 haltini Abrahami Cremeri.
 XIV. Strena Poetica Christophori Heroldi.
 XV. Querele Saravictoriae et Biomeae.
 XVI. Gregorij Bersmanni in pontem sabbaticum
 Desuenses Carneri Epigrammatum.
 XVII. Joachim Flemingi Piculum Scholasticum.
 XVIII. Abrahami Vrici Diagrapha Laboris
 Scholastici.
 XIX. Coronis Collegio Disputatorio et Oratorio
 imposita.
 XX. Typus Depositionis Scholasticae Fe-
 derici Wittebrani.
 XXI. Bulla Emanuelis M. Bloey.
 XXII. Ida bonae vitae Dr. Danielis Bierschli.
 Dr. Joannis Christophori Hartmanni. Dr.
 Philippi Neudlingeri. Dr. Matthaei Coleri
 Doctorum scripta.
 XXII. Gratiarum Actio M. Joannis Coppenj
 post Magisterium eum pronuntiata.
 XXIII. Epigrammatum Cerevisiae Servesta-
 ne Danielis Berckingeri.
 XXIV. Desortatio à Callimachi.
 XXV. Germania ad Principem epistola Abt.
 Martino Pratorio.
 XXVI. Votum Scholae Vesaliensis.
 XXVII. Teoq. Gervasio ad Dr. Joannem Stunium.
 XXVIII. In honorem Magisterii Dr. Joannis Cre-
 meri.
 XXIX. Tricinta Juvencum M. Christiani Galli
 Italico-Saxonis.
 XXX. Adam Forsterii Federici Stren-
 nis Ernesti Walburgii.
 XXXI. Eorundem
 XXXII. Juvencum 37. M. Theophili Carstner.
 XXXIII. Joannis Cremeri.
 XXXIV. In honorem Notariatus Valerij
 ni Gelani.
 XXXV. Strena arguzumatum quadrifida
 Christophori Heroldi.
 XXXVI. In aditum Dr. Wolfgangi Flemingi
 G. V. D.
 XXXVII. Epitaphium Nicolai Mai

XXXIX. Nuptij Wolfgangi à Bergen.
 XXXIX. Valerij Andingeri
 XL. Martini Ippen. Med. D.
 XLI. Abrahami Vietvaleri
 XLII. Henningi Grossi Juniori.
 XLIII. Johannis Seckori.
 XLIV. M. Johannis Copenij.
 XLV. Valentini Gelani.
 XLVI. Federici Hanelij
 XLVII. Terentia Vden.
 XLIII. Andree Gosal.
 XLIX. Johannis Riewitteri.
 L. M. Georgij Theodori.
 LI. Georgij Bursardi.
 LII. In. M. Theop. N. D. D. S. S.
 LIII. Johannis Bergi S. S. Theologiae D.
 LIY. Michaelis Bona. J. V. D.
 LV. Johannis Buremanni.
 LVI. Christophari Augusti Charij.
 LVII. In. Johannis Bergij's S. Theologie D.
 LVIII. Quisdam Theologiae D.
 LIX. M. Jacobi Martini.
 LX. Georgij von Dornen.
 LXI. Dr. Peteri Dominij Gelandel.
 LXII. Dr. Christiani Spizelij.
 LXIII. M. Simonis Dalgoy.
 LXIV. Dr. Federici Graubij.
 LXV. Dr. Johannis Heinemann.
 LXVI. Davidi Federici.
 LXVII. Johannis Schrotteri.
 LXVIII. M. Georgij Underlingij.
 LXIX. Casariae Riemschneider.
 LXX. Johannis Mültij.
 LXXI. Eiusdem.
 LXXII. M. Christophori Metelb.
 LXXIII. Eiusdem.

LXX
 LXXV. Eiusdem
 LXXVI. Eiusdem
 LXXVII. In. Othoni von Dorn
 LXXVIII. M. Ernesti Wulstorpj
 LXXIX. Andree Wury
 LXXX. Hymeneu in lahen Dr. M. D.
 LXXXI. In. Wulstorpj
 LXXXII. Dr. Henrici de Söckell.
 LXXXIII. Federici Cey
 LXXXIV. Casaria Fingerlingij
 LXXXV. Dr. Ambrosij Lepij.
 LXXXVI. Martini Milagij.
 LXXXVII. Currah Geroldi.
 LXXXVIII. Dr. Johannis D. D.
 LXXXIX. M. Felici Halbstady.
 XC. Abrahami Cremeri.
 XCI. Defensio Johannis Cremeri
 J. V. D.
 XCII. In obitum Christophori Wageri
 Confessio M. Henrici
 Kitzsch.
 XCIII. Dr. Valerij Reizen. 2

EX LIBRIS
 ILLUSTRISSIMI VIRI
 DN. DAN. LVDOLPHI
 LIB. BAR. de DANCKELMANN,
 S. REG. MAL. BORVSS. CONSILIARI
 STATVS INTIM. cetera;
 BIBLIOTHECÆ ACAD. FRIDERICIANÆ
 TESTAMENTO RELICTIS.



1
PARAPHRASIS PSALMI
LXXXII. CARMINE
Heroico expressa.

ET

ILLUSTRIS-

SIMO, VETUSTISSIMÆ

QUE STIRPIS PRINCIPI AC DO-

mino, Dn. Augusto, Principi Anhaltino,

Comiti Ascaniæ, Domino Servestæ & Bernburgi, Do-

mino suo clementissimo, adeunti gubernationem

Dynastiæ Plotzavianæ, gratulationis

& subjectionis testificandæ gra-

tiâ nuncupata.

à

Assensu suo

1624.

M. ZACHARIA VVENNEME-

GERO ASCANIO, EJUSDEM ECCLE-

siæ Pastore.

SERVESTÆ

Impressa Typis Zachariæ Dörfferi.

Anno 1611.

KÖNIGL. FR.
UNIVERS.
ZU HALLE



PARAPHRASIS

PSALMI LXXXII.



Esse Magistratum jussit Deus atq; ho-
minum rex,
Parcere subjectis & debellare superbos
Ut sciat, & terrâ normâ constante gu-
Justitiæ. In terris etsi sceptrâ atq; secures
Huic celsit, folio cœli ipse illustris in alto:
Non tamen imperium certæ sine legis habendū
Ordine principibus mundi, summisq; monachis
Contulit, haud curans quo cives jure fruantur.
Absit ut hæc animus tam perdita sensa recondat:
Nam medium sese dijs inferioribus infert,
Ac justî normam ac æqui moderatur habenas.
Sicq; videt quosdam præscriptâ ex lege vagari, &
Sic volo, sic jubeo, sit pro ratione voluntas,
Ludere, non mussat tacitus, captumq; dolorem
Concoquit, ast celsâ sic hos affatur ab aulâ:
Et vos cur tandem sine jure & lege secures

A 2

Colla-

Collatas à me geritis, justiq; nec ullam.
Suscipitis, nostra hæc venerati numina, curam?
Injustum causâ vel primâ in sede locatis.
Scilicet in mundo is gazis agrisq; superbit,
Majorumq; amplis titulis incedit onustus,
Stemmaq; ter centum vel ab annis nobile jactat:
Et contrâ justî munitum casside juris
Deseritis: tenui ille loco sub paupere tecto
Vivit, & oblatâ contentus sorte quiescit.
Quos ego! sed præstat sanam præscribere formâ.
Ergo, quot in terris vestra ex me scepra tenetis,
Audite atq; animis excepto nemine adeste:
Dicite jus, gladioq; acri frenate merentes,
Justitiæq; viros à culpa absolvite prompti,
Viq; suis fundis trufos, laribusq; paternis
Exutos, miserè & certâ sine sede vagantes
Sistite in integrum, viduis estote patroni,
Pupillisq;, orbis & consilio atq; parente,
Et prædæ expositis: (Tutores nempe maligni
Sic tractant, & opes curant à patre relictas
Desertæ soboli, ut res ex quincunce clientum
His cadat in oculos: quia mens non conscia re-
cti est

Tali-

Talibus , haud pietas nostræ & reverentia
dextræ.)

Ergo illos curate , manu vestraq; juvate:
Vel tales propter vos isto in honore locavi.
Si quibus est angusta domi res, curtaq; messis,
Sæpius ut Solis prius intueantur obortum
Lumen, quàm videant in mensa paupere panem:
Eripite hos manibus prensantibus obvia quævis,
Eripite hos, inquam, miseros, rerum omnium
egentes,

Atq; gregis tortos scelerati rumpite nexus,
Solvite stringentes parte omnia pectora nodos,
Discite justitiam moniti, nec temnite Numen,
Nil nisi justa probans, & nil nisi justa requirens,
Vindicibusq; sibi debent contraria flammis.
Quid verò, licet hæc verbis vel pluribus effer,
Efficio? purè canitur nam fabula surdis.
Nil horum nostis, cupitis nil nosse profani,
Ergò nec has partes curare impensius est mens.
Injustus justusq; agitur discrimine nullo:
Figitis & leges pretio, pretioq; reflexas
Tollitis, arbitrio moderantes omnia cæco:

A 3

At vos

At vos pro scelere hoc , pro tamq̄; immanibus
ausis

Tempore finito pœnas ex jure luetis.
Sceptra evertentur , decus evanescet avitum,
Fundamenta ruent terræ , quævisq̄; fathiscent
Limina, nec stabunt majorū in honore nepotes.
Juris enim ruptis omni in regione repaglis,
Siq̄; pari currit jus atq̄; injuria passu:
Nil salvi inter tunc homines saniq̄; relictum est.
Ergò agite & verbis nostris advertite mentem:
Ipse ego, Dij, dixi, vos omnes, omnibus, estis,
Quidq̄; hac voce velim, vestraq̄; à parte requirā,
Discite, si discendi animus, nec ferrea mens est:
Non vos arbitrio patrum aut virtute tenetis
Imperium in populos. Ego vos, Ego nominis hu-
Esse dedi socios, Dij terræ in finibus estis, (jus
Me statuente, fatu proles vos edita nostro
Dicimini, haud alio vos quisquam nomine dicat.
Ergò meum imperium prostrati agnoscite, jusq̄;
Discite, mando, meum, mentē geniumq̄; referre
Nostrum itidē, premere & sanctē vestigia nostra.
Ipse meo nutu cœlum solemq̄; guberno,
Terrasq̄; tractusq̄; maris, tum quicquid in illis,
Et

Et mea cura, favens humanis provida rebus,
Sic agit, ut nullis terrarum finibus absit:
Sic vos, quas terras vestrâ in ditione tenetis,
Respicite, & populum cognoscere discite ve-
strum.

Et quid quisq; ferat, quod possit, ferre recuset,
Volvite. Sit notus vobis & Cræsus & Irus,
Respectu careat fidoq; juvamine neuter.
Ipse beavi homines naturæ legibus omnes,
His omnes jubeo parentia dedere corda,
Et facio reprobos meritis incurrere pœnas:
In terris sic Dij, decorati nomine nostro,
Et leges vestris & provida jura feratis
Subjectis, ita quæ sibi sint faciendæ per omnem
Et fugienda scient instructo pectore vitam,
Atq; bonis tribuatur honos, terrorq; superbis
Intonet extremam post tristia tormina mortem.
Nō, quoties homines peccāt, mea fulmina mitto
Differo sed pœnas, cupiens respiscere cunctos,
Ut meliore viâ discant traducere vitam:
Sic nec vos iræ semper laxetis habenas,
Jure nec & summo, quod summa injuria rectè
Dicitur, in quosvis nullo discrimine agatis.

sit



Sit piger ad pœnas Princeps, ad præmia velox:
Non ego personæ intuitu jus penso vel æquum.
Injustum reputo pravum, seu regnet in arce,
Sive habitat vili congestum cespite culmen,
Atq; utrumq; , nisi respiscat , mitto sub Or-
cum.
Sic vestri officij memores etiam esse sciatis,
Judicium non ferre viri ex diademate summi,
Æquales qui sunt facti ac bonitate probati,
Æquales patrocinio digniq; putentur:
Æquales qui sunt facti improbitate maligni,
Æquales etiam in pœnis habeantur acerbis.
Non etenim par est, scelus ut quos uniit unum,
Justitiæ norma in pœnis disjungat eosdem.
Flos justi vernet, cum judiciaria vobis
Sella sedenda venit, validis non jure retorto
Det veniam corvis, vexet censura columbas.
Si sunt, qui precibus superant fastigia cœli,
Supplicibusq; orant votis, & numen adorant
Hoc nostrum: facilis, nec clausis auribus, assum:
Quin prius audio, quàm mens est orare, prius-
quàm
Votaq; finierint cessantibus annuo verbis:

Sic & supplicibus vestrorum attendite votis,
Quam primùm fieri licet hoc, non usq; morari
Collibeat, longasq; moras connectere, sumtus
Accumulare graves, iter & duplicare molestum.
Absit ut aspectu vestro amoveatis egentes,
Auditu indignos atq; auxiliariis armis.
Idcirco tales vestris estote regentes
Subjectis, qualem vestrum regem esse velitis.
Si sortem video miseram tristemq; meorum
Nec validas, quibus sustineant, emergere, vires:
Non tergum obverto, talemq; nec horreo sor-
tem,

Quin potius facilis tam tristibus advolo rebus,
Me socium jungo, ac oneris mihi seligo partem,
Ferre juvo, mihi ne credentia corda labascant:
Sic vestrum est, patrio miserari pectore casus
Adversos, dubias res vestrorumq; clientum
Attritas inopumq; vices, ac grandine læsos,
Ignesq; vel tumidæ spoliatos fluctibus undæ.
Ne ne claudite, mando, manus, extendite vestras
Quin potius facili promptoq; ex pectore palmas,
Præsidio vestro, vestro & tutamine fretis.
Si tentare meos animus fert atq; paternis

B

Subij-

Subjicere hos ferulis, hoc pacto scilicet illis
Non noceo; at doceo, & rebus melioribus apto:
Nam sic iudicium discunt nostrumq; verentur,
Innatumq; malum commissæ & labis adhæsum,
Multiplicisq; mali norunt agnoscere fontem,
Exercentq; fidem, mea quam promissa requi-
runt,

Et patiēter ōnus tolerant, mea numina poscunt,
In lacrymisq; modū servant, minimeq; quiescūt:
In precibus: quin lætantur cū tristia circum
Undiq; stant, spe non dubiâ sua damna levantes:
Sic & vestrorum jubeo cervicibus aptam,
Non nimiam, non majoremq; imponere molem
Viribus: Hic quod ferre potest; fortè ille recusat.
Ergo modum, patriumq; animū servare sciatis,
Pastorum est tondere pecus, deglubere summa
Esse solet pestis, primâ hoc vice commoda præ-
stat:

Mox sed in interitū res horum conijcit omnes:
Ipse pater vobis ego sum, gavifus & esse
Percupio: patriæ patres vos atq; patronos
Constituo, patriis scite ergo affectibus uti.
Aurea pax pergrata mihi & concordia cordi est,
Pacificos animos mea sancta habitacula dico:

Hæc

Hæc etiam vobis sit commendata monarchis:
Pace nihil melius, nil pace est dulcius unquam,
Pace meum numen colitur, modus atq; colendi
Ex verbi normâ nunquam fallente docetur.
Pace vigent artes, ac docta Lycea coluntur,
Congressusq; suos credentûm Ecclesia cogit,
Sistere me cui præsentem mea summa voluptas.
Pace coluntur agri, sua semina parturit arbos,
Prata virent, & oves lætæ sua pabula quærunt,
Inviolatus abit thorus, innuba virgo tuetur
Dulce pudicitia decus, & cum laude corollas
Gestat, & in licitum defert pro tempore lectum.
Nulla salus bello, cuncti ergo quæ rite pacem,
Pax, injusta licet; bello tamen anteferenda est
Vel summis causis justo: Pax una triumphis
Innumeris potior; nec singula commoda dico.
Quæ promitto meis, studio hæc & servo fideli,
Promissi q; tenax sum, fallere nescius unquam:
Sic quod subjectis placuit promittere vestris
Juratæ fidei sese obstringentibus ultrò
Principibus vobis, cum sceptrâ adiistis avita:
Hoc etiam memori servate, recondite mente.

B 2

Non



Non auri montes blandis ostendite verbis,
Et mox in nigri naturam vertite ferri.
Næ, qui pollicitis dives fuit, hunc & oportet
Promissæ fidei totâ vitâ esse tenacem,
Isq; meum ingenium feliciter exprimit unus.

Hæc & multa hujus generis tam nomine sancto
Exprimo, quando Deos ac ex me nuncupo na-
tos.

Non alioq; loco vos, hæc mea sensa tenentes,
Dum vestram in terris per multa pericula vitam
Ducitis, & gelidæ post funera mortis, habebō.
Si temisse placet sancta hæc præcepta, furorq;
Præcipitat mentem, qui cuncta evertat honesta,
Et moderata ruat, sævæq; tyrannidis ausa
Excitet, haud meliore loco tunc stabitis omnes,
Infima quàm fex illa hominum, quæ mancipij
instar

Acta, subacta fuit prono quæ pectore vobis:
Ad generum Cereris cum cæde & sanguine tales
Scandetis reges & tristi morte tyranni.
At tu, magne Deus, Divûm pater atq; hominum
Rex,
Surge age, rumpe moras, terræ moderareq; fre-
na. Te

Te penes est unum vasti custodia mundi,
Et per te reges, certo sed limite, regnant.
Da quæso hunc animum ducibus, magnisq; mo-
narchis,

A te collatum decus, imperijq; coronam,
Ut sanctè tractent, ut te vereantur & unum,
Æterno ut portas referent & culmina regi,
Oscula ei figant, vestigia pressa sequantur
A te, præscriptoq; tuo. Sic vasa salutis
Æternæ fuerint, non noxia pondera terræ,
Sic laus, sic & honos nomenq; manebit eorum,
Et tandem æternâ requie vitaq; fruuntur.



ODA GERMANICA,

HERX Jesu Christ / Ich weis gar wol / das
ich ein mal muß sterben /

Elegiaco carmine expressa.



Onstat, & æternâ positum est hoc lege:
statuto

Ex hac migrandum est tempore valle
mibi.

B 3

Sed

Sed quo migrandum mihi sit vel mense vel anno,
Fata referuarunt id supera omne sibi;
Nec modus aut ratio mihi constat, quã sit eundum:
Hæc soli nota est, Christe benigne, tibi:
Nempe dies omnes calamo eternante notasti,
Illorum primus quàm fuit antè dies.
Sed quia (nosti equidem) tu pectoris una volu-
ptas,
Unaq; spes animi presidiumq; mei,
Idq; haud naturæ & rationis viribus ullis
Contigit, aſt flatu, Christe, agitante tuo:
Te supplex oro, gemituq; ac ore fatigo,
Hoc mihi sit constans perpetuumq; bonum.
Tu me purgasti peccati à labe nefandâ,
Pacastiq; ire fulmina dira patris:
Justitiaq; mihi vestemq; decusq; parasti,
Te per adoptivus filius aſſo patri:
Sumq; heres regni tempus durantis in omne,
Triste ubi nil superest, gaudia summa vigent.
Ate contritum est collumq; caputq; Draconis,
Ablatum aeternæ mortis itemq; jugum:
Labe meâ morior, prima inq; elementa resolvor:
Vita mihi, tempus quando redibit, erit:

Scili-

Scilicet ex terra, flatu redeunte, resurgam,
 Et per te cœli regna beata colam.
 Te supplex iterum gemituq₃ ac ore fatigo,
 Hoc mihi sit constans perpetuumq₃ bonum.
 Non alii sensus mentemq₃ animumq₃ fatigent,
 In tali, fac, sim, stem, maneamq₃ fide,
 Ex mundo hoc donec superas conscendat in oras,
 Orta polo mea mens associata tibi:
 Te supplex iterum per te & tua vulnera posco,
 Da placido vitam claudere sine meam,
 Hanc animam fragili viventem in corpore, tradã
 In dextram sanus mente animoq₃ tuam.
 Atq₃ fide vera lecto vel stramine postus,
 Ex valle hac misera, morte vocante, ferar.
 Sin aliter placeat: si lato in rure vel ora
 Ignota vitæ meta adeunda meæ:
 Sive in aquis tumidis misero, seu peste vel armis,
 Aut occumbendum qua ratione mihi:
 Præsidio fidei teq₃ & tua sancta tuentis
 Vulnera, fac, moriar, nomine itemq₃ tuo.
 Non meat tunc, tua sed fiat, bone Christe, voluntas,
 Nam tuus in vita, & lumine cassus ero.

Si



Si tamen ob fragiles infirmo in corpore vires
Et fierent cerebri turbida sensa mei,
Nudus ut in plumis miser ire jacere viderer,
Et mens distortos funderet ore sonos:
Hanc mihi ne culpam statuas, si lubrica fungi
Mens non officio cum ratione queat:
Da, pie Christe, mihi pacato claudere vitam,
Immuni à tristi tormine, sine meam.
Des, anima hæc placidè cognata habitacula relin-
quat,

Utq̄ oleo lampas deficiente perit,
In te vulneribusq̄ tuis ac morte recumbens,
Et certam vitæ spem melioris alens.
Verùm ut præscribam vitæ finemq̄ modumq̄,
Absit, in arbitrio sint sita cuncta tuo.
Da faciles motus: patienter ferre quod urget,
Et verbi normam corde pavente sequi.
Tu vitæ princeps, tibi me servansq̄ potenter
Sciveris, ex vitæ qua ratione vocer.
Ergo tuo me præsidio dextræq̄ benignæ
Iam commendatum corpore, mente sinas.
Nam mihi tu vivo atq̄ exanguis nobile lucrum es:
Sum tuus, atq̄ tuus morte peremptus, ero.

Tempus

Tempus erit, quando aligerum comitante cater-
vâ,

In clarâ cœli nube reversus eris:

Voceq; terrai gelidos penetrante per artus

Excubis tumultis corpora queq; suis.

Tunc etiam mea mens ad conscia tectâ redibit,

Tunc cœli æternâ luce decorus ero.

Et tecum in patriam seclorum in secla manentem

Ibo, triumphatâ & morte beatus agam.

Tunc mihi, tunc dabitur cœlorum accumbere men-
sis,

Æterna tecum lætitiâq; frui.

F. 21. Febr. Anno

Da Jes V, faCIaM non nls Igrata tIbI.



PRECES AD CHRIS- TUM.

Christe, Dei æterno patris qui nasceris ortu,
Jesûâq; venis de genitrice puer:

C

Sis

Sis mihi quæso caput, fragile hoc ne desere mem-
brum.

Tu mihi sis Vitis, sim tibi Palmes ego:
Sis mihi Dux, mihi Lux, mihi Rex, mihi Lex,
mihi Pax sis

Et Fax, ad cœlum quæ mihi monstret iter.
Tu mihi si Caput es, teneo fastigia cœli,
Si Vitis; vitæ succum etiam inde traho.

Te Duce non erro, fugiunt te nubila Luce,
Te mihi Rege tegor, te mihi Lege regor.

Te mihi Pace fruor placati pace parentis,
Et Face te cœli in tramite tutus eo.

Ergò, quod octuplici signas mihi nomine, sis re
Fax, Pax, Lex, Rex, Lux, cum Duce, Vite,
Caput.

F I N I S.



Id 4206
80

ULB Halle 3
004 167 287






f
sb

+80
Stk. 18 n. 25 nicht in PICA,
da Hschr.

20. Aug
Jul. 07
24 VD 17
M







1

PARAPHRASIS PSALMI
LXXXII. CARMINE
Heroico expressa,
ET
ILLUSTRIS-
SIMO, VETUSTISSIMÆ
QUE STIRPIS PRINCIPI AC DO-
mino, Dn. Augusto, Principi Anhaltino,
Comiti Ascaniæ, Domino Servestæ & Bernburgi, Do-
mino suo clementissimo, adeunti gubernationem
Dynastiæ Plotzavianæ, gratulationis
& subjectionis testificandæ gra-
tiâ nuncupata,
à *Ascanio*
1624
M. ZACHARIA VVENNEME-
GERO ASCANIO, EJUSDEM ECCLE-
siæ Pastore.
SERVESTÆ
Impressa Typis Zachariæ Dörfferi.
Anno 1611.